

石雲山人詩集

石雲山人詩集卷十七

撫湘集

辛卯壬辰癸巳
甲午乙未丙申

南海吳榮光伯榮

和張芥航

井

河帥自黃河口出海夜泊開山絕事

詩韻

我豈龔黃良君可韓白配共有灑澹憂各切腴胝賴二
瀆已久翕三湘正濤汰渡江楫茫茫臨河罟濊濊與君
作勞人勉念晏安誠晤君譚河工別君有詩債開春方
七日謁君敘行輩圍爐風絮寒引杯雪花大聽君忠信
涉使我齒牙齟當其不顧身何暇徇衆喙險詎于沙雷

決以獨行決謂非見所見烏能得其槩門恐沙有攔水
豈流無外旭日照旌旗緒風吹衣帶招子舟溯游辨我
路向背鼓角夾堤鳴宛轉揚帆屈行行水高湧何年結
險瀨使君意未已越瀨泝泝泝壯哉汗漫游乘以風雲
會十萬組練軍一色玻璃界渤澥衆所歸疏淪理甯悖
人心莽無際天影憺於內豈有鮫蜃樓或是魚蝦闌狂
瀾忽飛騰歸途杳阻閼惟聞飄輪奔但見日鉦掛破浪
誰乘長驚濤感行邁特有默默誠呼此蒼蒼戴紛如百
神幢護此一舟芥迴頭卽是岸觀心覺非隘乍定乾坤

浮轉助衾影快歸來坐堂皇宣防悉瑣碎先事厯荒度
次亦辨譎猶高譚河海源餘事詩書態石柱鎖支祁金
堤多吉貝播奏及千家隨刊當四載使我踏春來祥和
聽笙簫別君到楚南五月武溪潰淫霖傷田疇巨浸沒
蒲稗君慰瀾安恬我痛土頽敗

九重飢渴懷兩月化離話可憐雨連延未掃雲沈霽

皇帝十一載六月朔向晦聞信夙駕行草牒夜燈對涕
泣問波臣性命爭水怪萬族靡有安一身敢自愛自恨
予辜盈庶幾民命丐果爾得盧令

爾秋

援手功爲最拯此

五千衆更生若茫昧亦有不職者野殍照夕靄一舉而
一効明明

國法在七旬饘粥甌九夏資漙派堤堰誰爲修室廬亦
旣壞幸得食嗟來那計命險太急發工代賑以保時不
害聚爾奔奔鴉驅爾楚楚獫狁一朝

聖恩至蠲緩再三沛七澤戶歸農萬垓流同殺勞我幾
郵傳比君異軒蓋要使登臺熙或免比戶察從此答
昇平九歌勤董戒

南征四首

千里戒南征春風攬轡行戈鋌爭敵懷耕市不知兵行
炙恩誰普投醪意共明同袍甘苦地笳鼓有和聲
蠶爾繁瓠種鼃爭草棘墟豈難輕撥腐只在速擒渠湘
水揮籌筆衡雲護簡書安民今日事更復念軍儲
蒼莽熊羆嶺熊羆靜不譁三軍歌杖杜七伐氣雲霞盾
鼻書生檄刀頭壯士家艱難勿回首
天澤本無涯

可憐皆赤子罪止過山獠謀勇須名將涵濡久
聖朝威原兼勦撫

恩許辨鸞臬一舉看歸馬同聽凱樂調

捷書

四日捷書至我心懷百憂諸將取功名玉石恐不留况
未得渠魁斬獲徒螭蚌困獸必奔突所貴張網收以此
耿不寐星馳來永州果失將軍坪地名地更竄大橋頭地名地大
橋無援兵賊烽照嚴陬既知攻腹背胡乃忘咽喉既懷
各意見胡勿相咨諏蹂躪及兩縣寧遠藍山肉食誰與謀飛

章急人

告輕進夫何尤復調諸路兵分要守四週且待策力全

運以帷幄籌

太平日以長將士耽優游各念報

朝廷毋貽主將羞我非瑜亮才最爾廉藺儔自今誓同
心慷慨戈矛修

海提督

凌阿

死事詩

陰雲四合城南門細雨吹雲無日昏鬼雄閃睒荒山奔
沈沈殺氣來將軍誓以一死酬

君恩誰生厲階至此梗我言將軍勿悻悻拔山無謀敗
則宜一誤再誤其胡爲况今徵調尙未集衆寡不敵嗟

無及休矜山東百戰勞

曾在山東捕教匪有功

莫敖曾狂於蒲騷

是時深幄綽燭影將軍兩目怒炯炯自言不用以衆整

匹馬直縛檠瓠頸手提一旅詰朝行使徇於師諫有刑

上慘下黷山縱橫嗚咽惟聞湘水聲拔營下灌

地名間諜

至居民羅拜萬家淚將軍乃民生死寄將軍奈何不設

備忽驚熠燿飛虬蜉軍火未至誰同仇可憐偏將策馬

去

馬

風毛雨血空荒陬將軍一死將焉尤顧此么麼何

足算將軍竟以身殉難坐令七邑齊滋蔓裹尸馬革原

奇才泰山鴻毛安在哉將軍之勇誠可哀於戲將軍之

勇誠可哀大將輝煖從天來

謂羅提軍

詔令

臣

吳榮光迅回湖南省城督辦軍餉啟程後却寄

督

臣盧公坤

時盧駐永
州軍營

師期未竟別匆匆滋蔓猶防湘水東恨我手遲俘大憝
知君心本篤公忠屈瑕已狃蒲騷役馬援誰收駱越功
兵食從今各籌筆
天書殷注在元戎

防夜

寇遠轉防近山蹊通水旁星方明太白劍欲動中黃壯

氣干霄漢憂心到市場詰朝喜相見恬晏正三湘

湘水二首

沿漢英雄已劫灰浮湘詞賦又憐才地當屈宋風騷始
天到西南氣運開寂寞投書懷賈傅崢嶸磨石問涪臺
至今此水明如鏡照遍行人白髮催

欲溯長天未老情江流曲曲自淒清朝風竹滿重瞳土
暮雨帆隨九面衡芳草寓言忠愛淚美人何處別離聲
微波千里頻回首見說洲邊有杜蘅

南嶽紀游十首

道光壬辰二月余自永州軍營回心厓搖境未
收爰以二十七日登山默禱銷兵及還省城得
前詩五首四月下旬搖平九月有事衡州旋再
登嶽祀謝復得後五首茲游旣竟乃敘而錄之

由衡山縣至嶽廟

莽莽五日程春風啟芳甸問我入山心勞極不自見嵐
霏宵水曲夜氣漫山縣篝火旣滅沒林暎乍迎轉才過
烏石南已度馬嶺半村落尙保聚田疇亦豐晏可憐兵
漸遠天心不滋蔓念民恐無鳩及我庶有願南去報俘

纍西望安陂淀斗覺雲陰開照以日光昇七十有二峯
峯峯當我面敬告朱鳥禪鑒此香一片

嶽市

山脚聚人烟沿緣曖成市一區太古心萬物長養始春
風入人家山色照井里東市買麇麇西市升蘭芷千戶
封黃頭百歲食蒼耳峩峩嶽廟尊庇我衆所倚今年石
廩開去年靈澗泚日用民之質菽帛帝之祉朝夕自熙
皞乾坤任流峙願言結宅者處仁擇所美

由絡絲潭至玉板橋

山路隨潭轉引我來深杳天低憺烟霧徑曲狎花鳥送
青數陂陲澗碧到衣初萬樹與萬水聲聞誰能了繁音
蕩余懷吹簫感彼篠悠然紫蓋峯乃在香爐峯表與我
對昂藏思君入縹緲仙人亦既往山色自昏曉惟有玉
版橋癡雲日環繞波紳千丈垂林樾六時悄回頭望舊
路依微一綫裊

半山亭

謂山尙未高吾行已及半謂山蓋已高到處田平漫乃
知長育功所蘊不可限相將秩南爲與爾裕百產朝耕

近天田夜織倚天案五峯上並尊雲海下浩瀚何當呼
山人坐卧旦復旦嵐霏從東來吹我衣痕渙忽覺山影
多乍此春氣散冉冉紫雲巔漠漠黃庭觀

鍊佛寺

天風吹游人縹緲到雲脊撥雲爲小留貪看山腰碧老
衲出深竹一笑天地閒導我觀鍊佛佛與四禪寂荒垣
伏甍隳敗瓦竄蜥蜴迢迢飛來船默默三生石夜月與
朝陽來去幾陳跡忽聞山鳥啼雲英照巾幘

南天門

朗朗赤午日照我南天門此是嚮明地况近天光暄忽
然嵐霏開重是煦我恩行道多單寒歇擔曝衣禪我獨
振衣立一氣空無垠萬笏儼參拜衆峯羅兒孫遠者翠
鷺翔峯名近則青獅蹲峯名各以奔走來來朝赤帝閭赤帝
乃高坐沕穆如天尊到此懾心魄天路誰攀援

祝融峯

乍渡飛仙橋靈氣四蜎轉高極不見山但見祝融殿仰
天呼吸通敬告慰我願九疑歸馬牛百姓耕堤堰出門
表獨立長風浩吹萬下視莽無際蜀繹紛呈獻始覺所

歷高一山川奠千巖左右趨萬壑陰晴變微茫辨湖
湘晃蕩數郡縣老僧報雲起高下挂絮絹須臾洶湧來
羣山失當面幸有托足地恐亦隨漫衍心知雲烟空莫
禁耳目眩一笑看穹窿赤日散光綸

觀音巖

碧蘿峯徑幽下有太古洞曲折山路轉谿衍天宇空老
樹聚秋陰荒苔涸春凍鐘聲出深澗佛火依殘棟我今
入山深一憩悟塵鞅愛此泉涓涓守爾雲朶朶落葉委
頽牆時聞一鳥哢默默觀自在山風自迎送言歸上封

寺感我下方夢

宿上封寺

一萬二千丈二十四福地飛蒼凌兢來來護上封寺何
處打牛蹤欲訪乘龜智夫人天臺荒老女石覘闕手勾
太陽泉爲我德一漑巍巍青玉壇要我磨崖字呼筆掃
百言似帶烟霞氣是時殘月出雲海漫如沸心懽林巒
悄身疑星斗次一燈嵐翠深照我今夕寐孤迥勞夢魂
高寒逼衣帔詰朝開門出初暾照岑邃

訪李鄴侯故宅不得歸得五代周文矩畫唐德宗

賜鄴侯梨圖卷

長嘯問衡雲生才誰與稽娟娟烟霞峰落落薜蘿棲半
芋好爐火領取慎樞機三萬好牙籤胡勿辭金緋終古
幾才人藏器須知時否則江湖鴻毋爲廊廟犧我來耿
懷公空山憺心脾蒙茸草木媚荏苒風雲淒悠悠三百
年有人圖賜梨

謁南嶽廟

鴻洞炎荒朱鳥精克金先祝早銷兵人間卦演南離位
天上星分北斗衡見說羣黎資長育莫教餘孽外生成

夜深颯颯靈旗至尙憶官牆武洞清

盼信二首

見說國西營將軍善用兵合圍防突豕指顧執奔鯨每
感藺廉誼願調刁斗聲兵儲籌畫苦鑄劍早歸耕

乍恐連三壘紛紛竄九疑防邊賴諸將離穴聽周麾大
憖終難縛全殲幸勿疑

聖人明普照

恩賚到熊羆

羅提督

思舉

平獠詩

將軍謀勇誰等夷一字不識真男兒老於用兵

四字恭錄

認論

天子知西南治久羶生豨揭竿驟起勞偏師是時徵調
兵未齊總戎布置先失機大將殉難繼與尸賊約三月
奔九嶷我檄諸將堵勿疑毆之東北湘水湄

天子乃命將軍來自天而下旗鼓開漸逐漸困羊泉街
槃瓠小醜聲嗟嗟蟻聚螳當紛觖排將軍下令嚴其圍
身率將士意指揮四日四夜水中泥困獸欲突無端倪
詐降不得將噬臍能縛汝渠寬汝罟賊固壁壘難登陣

乃築木城而攻之將軍曰火天風吹將軍曰兵地雷飛
三竄三殺殺乃哀萬賊同燼惟揚灰赦其脅從無煤哀
兩旬而舉真禕哉

天子命我俘渠魁渠魁已斃防嫌猜帥臣聞喜臨行臺
亟以入告取

上裁豈知

天高聽則卑

詔命閱實其是非乃出猺俗木偶騎

以趙逆所奉騎馬木菩薩爲證

况

有罪孥辭不欺煌煌只一

天恩施爵級照耀英雄姿軍士凱樂民恬熙從此長輦
昇平基將軍百戰身未衰日日夢到蓬萊池

曾云功成
欲訪蓬萊

道人

再謁南嶽廟

又陟崔巍拜嶽來精禋昭告靖氛埃中天景日荆衡照
大地融雲翼軫開綠字碑畱疑禹跡黃庭觀杳訪仙才
詰朝言返長沙棹五卯星光照酒杯

壬辰閏重九同人登麓山絕頂二首

一笑江風送我來霜林如錦赫熾臺萬尋赤嶽搖詩筆

千里清湘照酒杯隔歲山川人尙健

去歲會登麓山

高秋盤詰

客多才登臨共話韓琦節恰報黃花次第開

回首重陽過祝融又逢佳節麓山同天留兩度攜壺日

人憶三旬落帽風

前重陽試使學使及同人共登麓山余有衡州之行不與

西塞干

戈歸戰馬南隣鄉國感征鴻摩挲拜獄亭前石欲問開

雲路可通

阮儀徵節相師七旬壽詩四首

癸巳正月

九閭藹春暉

天子方臨軒西南佇宰臣治安酬

至尊治則宰臣勞安則

天子恩六詔無風塵八番鞏墉垣平格

天乃壽壽以禔福蕃

帝曰亮天功錫祐光五雲

御賜亮功錫祐扁

佐之以袞繡重

之以鎌纁金錄十賚備瑤笈九苞文甘露爲醍醐卿裔
相氤氲此是太和氣爲公調燮勲公乃寵受之儻俯彌
恭溫禕哉百祿適疊疊貽子孫

文武

天所資請先言兩浙堂堂詒經舍多士奉圭臬桓桓靖

海軍千里掃滄蠶七州利漕運兩湖鎮蕩節自豫來江

右吏畏民胥悅吾本處南海竊聞之百粵十載深漸摩

百姓入肌骨春溫苗尙安秋肅夷島帖至今學海堂報

公文滿篋至今外洋船報公米雙楫一疏通萬斛

公督粵時

奏請通洋米至
今粵無飢民

萬斛萬家室萬室萬人心祝公千萬秩

經義照千古炳如日月明漢去三代近授受多師生名

物象數中理實寓其精奈何空言理躡入禪虛冥及其

理難通私已以改經公乃守漢學叔重與康成如見逸

竹漆如聞複壁聲仡仡數十年不問寒暑更節樓有禿

豪燕寢惟孤檠退食手編摩其書不脛行遂令天下士
首頌心爲傾請公進一觴千秋萬世名

伊余實固陋及門卅五載初學爲文章繼學爲吏案謂
我腹未富庶幾白受采謂我身先率庶幾行不怠津門
罷職來知我無怨悔黔山省覲歸勉我好衣絲往往從
公游請業執經待泊我來楚南依隣質疑殆荏苒歲月
深所守幸未改威鳳在九霄餘光到雲海何以爲公壽
魚藻歌樂愷請公視吾言善言慚冉宰

和潘芝軒師大拜元韻二首

尺一黃麻出玉墀金甌先定不稽疑

三朝鈞軸同心久六部謀猷造膝知正度土功思日贊

師時在
工次恰調霖雨答

天慈

京師連
得透雨

讀書宰相真無愧况復人當命世期

老輩經師僅拍肩

謂阮芸臺
協揆師

學字

心簡早膺拳已兼稷契唐虞業又總張吳將帥權五色

雲中羣彥領

兼掌
院

百花頭上廿科前公門桃李多如許

好把傳衣望後賢

沈聽篁

璩

太史以乾隆乙卯省親臺郡作臺花卷

謂臺郡天氣融暖四時皆花與吾粵同郵簡索

詩勉成一律

如花采筆寫臺花寫到循陔太守家知愛東瀛棠舍日
謂如南海穗城霞四圍暄暖長春幄萬戶芳華竟歲車
三十九年詩一卷披圖回首各天涯

茶園連理桂樹

傳舍朝餐日未移桂花連理折連枝連枝風露香盈手

正是懷人望信時

家弟樸園礪生次兒
尙志分赴南北聞

寒食補錄三月作

同心白水方要誓埋骨青山竟隱身却笑世間寒食節
紛紛餓鬼出求人

又一村詩用梁文定相國原韻八首

萬樹爭妍不見松誰知霜裏翠陰濃眼前只好宜春問
紅幾成圍綠幾重

百尺桐花九曲芝韶光迤邐到芳時相公昔日儲材地

畱我東風耐久枝

右春

勸農村外又花村燕寢歸來自掩門六十年來觴詠處

文定公詩作
於壬辰上巳石榴多子竹多孫

每從九夏念三農自在荷香正曙鐘試向澄湘臺上望

炊烟多處麓山峯

右夏

新秋吉語報槐牕共說

先朝枚卜雙

蔣文肅梁文定先後築葺又一村者位皆至端揆

怪底昔人調燮

好至今戶戶夜眠危

清霜剛渲老來嬌黃菊紅蓉千萬條恰是客心懷晚節

秋花聞說不漂搖

右秋

崢嶸歲晏此江鄉料峭村頭有衆芳忽聽萬家迎臘鼓

雪花吹盡見朝陽

相國風流幾替人梅花消息問根塵拈來秀句寰區滿

邱壑於今又一新用原詩末章意 右冬

癸巳九日澄湘臺和韻

恰報西成場圃開萬家烟火一登臺紅萸此會人猶健

黃菊經年客再來葉堦芭田重到署決背衡湘秋氣淨關心鴻

雁歲寒催常禮有被水處尋常詩境同堂酒各向勞生首重回

惠詩塘中丞吉出撫粵西晤於長沙別十有七年

矣因其索句贈以二律中丞父蘭巖先生富察氏提廣東學選余進庠

一笑分攜十七年相逢江上早韶天范韓節鉞君新履

沆瀣門庭我宿緣
百粵待賡膏雨什
三湘先有采風篇
沈沈客館簷花夕
話到鴻泥重自憐

憶昔同心答

聖明燕京東邁接
灤京西臺槐棘分
曹聽上塞風霜並
轡行往事蹄涔俱
少壯新歡杯酒感
平生迢遙此會良
非易眼看春華倍
有情

陪惠詩塘中丞邵丹溪觀察

甲名

偕同人登麓山

卽事二首

甲午二月廿五日

一罨麓山春
春風到水濱
隔年游屐路
小隊看花人
使

節烟雲護農田
舂鍤新登臨
念民事膏雨正依旬

七十二峯麓重三八日先苔岑論舊契
林壑結新緣帆

影蒸湘水鐘聲堯去率天折馨歸路近山下八竿船

吳縣相國師金帶圍圖卷二首

道光壬辰夏吳門王氏園中開金帶

圍芍藥二枝越歲又開一枝師次子紱庭曾親見繪爲圖卷癸巳師以吏部尙書大拜王氏以卷贈師有記

寄余索詩

魏公原不愧名花
合付金閭宰相家
兩度東南傳盛事

三枝先後啟芳華
神仙黃玉

米芾札云神仙重黃玉用以爲帶

重重縷

富貴緋衣疊疊加
親見有人添畫朶

謂詰嗣紱庭

鳳毛應待

不學山人集卷之七
再宣麻

露湛雲融正及時相公披卷有深思科名金紫云非貴
鐘鼎丹青勉共期客爲主圖佳兆協天如人意好春宜
他年若證三花瑞總讓先開第一枝

題南唐人畫按樂圖

錦秋一片開庭宇仙人倚案教歌舞仙人定是月中來
招到霓裳第幾譜一姝曼立含睇前宛轉歌喉珠欲吐
右顧一姝正輕盈碧雲乍交風乍舉輕軀細骨耐迴旋
應聲赴節無迎拒其旁侍者董雙成手捧天漿漫凝佇

曲欄微微度薌澤桂花倚笑芙蓉語我聞大鬟高髻唐
家妝南唐不改李後主此圖作者豈張萱或亦五代周
文矩曹衣吳帶各娟娟文石秋花仍楚楚况有建業文
房印八百年來此今古詩成欲叩步虛聲銀漢無波月
當戶

甲午監臨龍門作

有序

從仕宦後溯場屋時甘苦自知塵勞如夢爲諸
生錄之得十二首

儘說青衿高等才遺珠仍許榜花開

余以錄遺應舉

紛紛擾擾

人如海誰向龍門跋浪來

錄遺

袂雲汗雨聽呼名魚貫東西逐隊行十八科前重回首
曉風過耳正殘更

應點

一聲搜過入門時褌襪風塵只自疑賤日不殊誰悟貴
文章千古寸心知

入場

領得

君恩一飯多文人報

國意如何大家努力風簷晷更有嘉賓式宴歌

給飯

三年辛苦說工夫文就詩成日已晡齊納至公堂上卷

不知花樣入時無

納卷

號礮三聲送出場衫痕風透墨痕香詰朝再試還三試

賈董匡劉各有長

出場

珠璞升沈此刹那淚眶知比笑眉多酒闌燈施論文福

欲把根塵問大羅

聽榜

一舉竟容珊網收

余鄉試一次獲售

紅條簇簇報深秋十分風

月千條燭都作文光照榜頭

報捷

君恩曲逮許開筵花簇青袍九拜前歌到鹿鳴章八句

問心誰稱此求賢

鹿鳴宴

右雲山人集卷十七

七

公門桃李一時榮衣蓋相傳到巨卿衡鑒堂前聞有語

願君無愧孝廉名

謝師

本貫書名注出身貽名知否忝雙親獨憐望我成名後

不見機前夜課人

余鄉舉時先太夫人已不及見右填親供

曾記春光載路行南天迢遞接

神京鴻泥舊侶多陳迹囑汝扶搖九萬程

計偕

題馬厚菴觀察

光瀾

梧陰校書小照

此筆曾書

二典文

君曾領樞直

餘閒猶冀益多聞一區泉石心如寫萬

卷丹鉛手自分入蜀客星方內煥

曾主蜀試

臨湖使節又辛

勤今宵鳳唳梧桐月恰好重論翰墨勲

時余監臨湖南鄉試君爲提調

官

聞樸園弟秋捷二首

戊午吾通籍汝生才十齡先人甫垂白望汝早紆青
今日聞登榜何年共過庭貽名知必果凜凜守遺經

詰旦臚家教封章謝

主恩十科終脫穎一舉慰同根泥雪吾先路風雲汝後
昆瀛洲春色好煩認舊巢痕

惠豫坤方伯

豐

招同人集岳麓寺二首

九月廿四日

林壑盤紆地依然到上頭清湘自今古佳日及春秋

二月

曾登此山

羣雅敦

去

槩好三年觴詠游西風多別緒雲樹接

神州

學使將瓜代入京

一竈秋澄景三層梵唄天霜催紅葉緊山補綠陰圓欲

訪朱陵洞誰疏白鶴泉廢興千古事不獨繪雲烟

寺爲方伯

重修

陳鍾溪侍郎

希曾

之子

晉恩

以其先人同年廿三

人仙瀛雅集圖屬題二首

先帝收才俊魏科癸丑聞人倫自軒冕臭味各風雲落

落文壇合茫茫宦轍分山阿多桂樹遺澤識陳羣

二十三人裏多師憶我師兩賢莘野佐煦齋師芝軒一師先後入相

老雪溪遺生甫師以學士引盤姑題名敘江湖感舊詩

君家羔雁好繼起又佳兒哲允晉恩孚恩俱官顯要

述職入都首途喜雨十月二十日

我爲湘民望兩旬今朝一雨喜初勻高場已報三時穫

大地同霑十月春衣制淋漓郊外客翻犁雜遝隴頭人

送行且勿嗟泥潦還爾家家物候新

黃陵

片土不改名長天不改色悠悠二女魂乃在湘水側西
南溯九疑日月不可極朝風送靈旗暮雲歸繡轡遂使
有情人誕妄逞胸臆望遠匪嬌詞從一實婦德懷賢意
則那思古心如結不見江上竹至今淚未滅

過裴晉公平淮西碑處

可惜韓碑三丈豐平西偉業已磨礪六師籌幄應歸主
五等勲階况付公事到平成猶不伐仇同袍澤敢專功
當時恨昧無成義致被唐安婦口蒙

榮澤渡河

十一月十二日

東風吹我布帆張
榮澤盈盈一葦航
西溯欲尋星宿海
北行多見帝王鄉
姬周尙有同盟地
楚漢空餘廣武場
四十年來來往處
此行安穩挹波光

召對蒙

恩詢及

臣

子官履恭紀并示二子尙忠尙志

十一月廿九日

教忠許列鷺鷥羣

尙忠尙志皆官六品

及汝生成荷

大君敢擬蘇瓌爲子肖更慚顏測得臣文棘闥遇合宜

安命

上詢及尙志甲午科薦而未售以有命解之

香浦淵源勉誦芬休負

雙丁期望切阿兄先已錄微勤

時尙忠以開河議敘遇缺卽補

題程春海蒲澗秋集圖卷

萬古此蒲澗安期去幾年偶來人十二已閱歲三千珊

網羣英集珠林六祖禪秋光星嶺近四載數雲烟

先塋在摩

星嶺下計辭

墓已四年矣

孟縣渡河

十二月二十六日

持節西南十七年重經此地數雲烟一心白水誰同證
兩界黃塵我自憐過客鬚眉將壯老照人恒華正澄鮮
到今幸有前盟在穩看冰稜大似船

渡汝水

帶得春來到水涯吳房城畔好烟霞
流當北潁東淮滙人憶三公四世家
豈有羣才評許劭更無長者似周嘉
誰知高卧山中客門掩匡牀雪正華

古詩十首

途次記憶古事心有所觸遂
成十首不復論時代先後

兩漢亶多才大雅殊雍容東京注經術
西京飾鼓鐘忠孝通諷諭星宿羅心胸
解嘲與美新詞調均臨邛今日望古人
逝將安所從諸公有此筆盍思慎其蹤
吾甯師陳實而不師蔡邕

陽城豈待諷始劾裴延齡韓愈固愛友驟責其不鳴詎
知諫臣心忠摯無圭稜不爲立馬仗甯作毅羊觥毛舉
則傷體指摘亦沽名用人政之本格君心必誠生當求
言時何以獻平生

太宗幸南山畏嗔竟不至那知我魏徵立朝真嫉媚不
見賦梅人疏劾二張恣及讀鶯蜂詞亦與鍊石異直道
匪直躬醇吏必儒吏惋愉忠愛心炳蔚衣冠氣寄語磽
磽人磽磽闕則易

朝奮一角羊生風臺閣臣暮則爲首鼠含沙鬼蜮羣借

問欲何爲沽名以驚人既恐忤要路委咎於交親宇宙
本甚寬物我亦同春和則爲柳下介則爲朱雲藟哉耕
田歌爲國非爲身

舉世艷石崇吾謂刼財賊錦障與珊瑚玉聲及釵色蠟
炬不夜天香塵可憐夕借問此何來冤哉荊州客楊釗
肉作陣鄭注瓜盡摘古今同一慨氣餒何炮赫能驕卽
能諂勢交豈金石那知甕牖人夷然志不易胡勿思父
苞南皮守遺澤

昨夜秋風至庾嘯求魚蝦云是奉明詔將以獻天家豈

知主所言乃在謀猷嘉不學妄揣度誰能辯其差臣貴
識大體君言何所加奈何典午朝猶各識丁誇可憐世
間人紛紛誤弓蛇

我聞六朝人禮豈我輩設此言始稽阮漸以逼吳越往
往侈狂誕娓娓評風月中朝裙屐多大雅衣冠裂分風
與擘流後世猶未歇却聞二吳喪道路皆嗚咽可知禮
在人人心中不可滅

文度伺門前性命忍一刻逸少卧帳中醉睡兩耳塞明
哲保其身貴忍尤貴默事苟非切已或已不能力甯可

無見聞慎勿辨白黑歸愚途則夷同患意猶密懶殘無
多言自處則已得然吾思李泌亦乖宰相職

謝安遊東山馬融講後堂各有聲伎樂大雅庸何傷阮
家追人種已覺內行妨奈何衣冠士爭歡於市場春風
入溫柔花柳紛平康以此逞風流何異狂童狂願言各
自愛勿褰溱洧裳

謝安期功喪音樂亦自娛中年藉絲竹陶寫其居諸功
高與望重時世無毀譽抑我思古云期達乎大夫孔子
拱尙右仲由聞乃除與爲曠達交甯爲聖賢徒寄語同

心人吾道無隆汗

續古詩十首

十首猶前志也

我哀古有人地癖與錢癖大吏而爲此人政甯須責羣
僚任進退五聽無黑白濫取必濫與半藉權門客袁毅
營譽望合章布金帛人云足當止不足安所斃徨徨究
何爲身敗名亦謫不見陸續裝歸載一拳石

不見爛羊頭只見逐蠅臭讀我金銀車笑人廿八宿大
車方檻檻羔裘亦究究千金作馳羹一徑窺狗竇英俊
沈下僚富貴促殘漏朝嗽出東方有人喜旣觀

太息男寵盛霍家馮子都朝隨繡裯馬夜宿黃金鋪十
萬買寶鞍百萬買名姝可憐漢百官凜凜恐後趨不學
本無術甯怪其監奴爭道亦太橫闌門則已愚那知長
安中尙有張與徐

僧彌不肅省奉使君一觴吳興舊碣耳何乃敢譁張杯
酒奮爭權伎求焉用臧甯知已有人眈眈伺其旁旣以
窺離合安能持紀綱可惜名德後乃爲市井狂吾欲竟
此曲此曲微且長爲之歌賓筵古人戒毫荒

戴良稱獨步魏收不藏拙殷宜束高閣楚乃佩兩珖本

無學識才徒有輔頰舌於己無然疑禦人惟巧譎其心
不可問於身豈能潔徒令盛德人欲辯夷不屑但溯九
海寬一笑看清澈

晉人間肉糜漢人煮牀簀熏鼠屋可上患蠅門可責杜
若非芳洲蝦蟆非馬脊尹公爲民瞻言豈可不擇固則
喜怒專專則上下隔曉曉爭是非紛紛未安宅胡念浙
水西幾萬億蒼赤

維暴譖如貫及爾甯不知却冀與己合而惡與己離我
思三代後愈險乃愈奇林甫忌文學訓注窮譏訾口蜜

腹劍中絲恩髮怨時袁州李德裕絳州嚴挺之何人叩
九閭爲公一場眉

人非槃瓠種胡乃亦祀狗邪心一以動猶狂罔不有培
阿塞東來洸陽忽西走紛紛逢蒙桃擾擾龍城柳徒然
張厥威實乃豐其蔀獲罪禱豈能斯言傳孔某我欲掃
黔雲朗朗瞻北斗

子玉以士戲城濮敗是求莫敖亂次濟荒谷縊何尤倖
勝則必狃恃勇貴有謀復諫我不顧用計彼得售如此
大將才實爲當局羞一死輕螻蟻豈但爲犧牛方知孫

石雲山人集

卷十七

七

吳書只傳廉藺儔報國圖萬全勗哉我同仇

能讓范宣子惟二三子功能隱介之推曰上下相蒙軍
前士卒苦大將侯伯封出師誰之命殺賊誰之庸與人
謀國事如謀家事同重門本禦暴中饋本奉公危則竭
其力安止保其躬所以明臣道無成乃有終

登晴川閣二首

何山無樹水無洲此地真能俯眾流半壁東南吳業始
萬年江漢禹功畱雕樓縹緲飛仙笛鎖穴蒼茫大將舟
我羨汲川人抱甕雲閒天澹一迴頭

却月城西接內方好春如煦引川長八分漫數鄂州水
九曲須尋樊口觴名士吟篇供眺覽才人搥鼓本昂藏
登臨欲訪陶溫蹟滿目江山草正芳

江行浩歌

我甫辭鄂城江水一曲復一彎我心無彎汝多曲或隱
或現相循環江豚吹浪無定影使我不得開心顏竟日
東西南北風借以推移爲轉關一朝出險溯澎湃天空
杲杲日東挂青陽與我吹大噫僕蒲齊張利西南舟人
指點同稱快快矣哉飛騰胸次開聲如八十萬軍馬世

已二千年劫灰我手一尊酒問汝幾代才能紅守封域
董宣能招徠江南大國亦有人勞爾曹瞞橫槩杯峩峩
赤壁山凜凜祭風臺周瑜破魏瘡破吳陶溫庾謝皆塵
埃乃知黃雀伏樹慣不獨烏鵲無枝哀天風爲我散齷
齷過眼歷歷爭磨摧仰視蒼蒼白日午依然昔日人歸
來歸來已千里荆江送我湘江俟此是

太平吾所履未暇臨流弔古人且向生才論南紀忠雅
蔣尙書清白楊刺史此世此才能有幾悠悠勿負此江
水悠悠勿負此江水吾將往問洞庭泚

扁山月夜

永夜魚龍氣扁舟雲水圖沈沈天宇淨頻頻月輪孤身
世雙冰鏡乾坤一玉壺船頭人獨立南望有飛鳥

君山

萬頃瀾微茫芙蓉一朵蒼分明畫不到宛在水中央竹
有千秋怨花餘七里香

寺僧言山在宋時衰
延廿餘里今止七里

我來波正

晏合拜洞庭王

謁君山洞庭王廟

我拜洞庭王波心一瓣香靈光林壑滿佳氣水雲長處

處荏蒲淨時時蘭杜芳春風湘水棹欲訪楚材良

崇勝寺

火樹無秦種祇林有晉基洞隨龍虎老碑僅宋元遺閱

世梅花笑尋春橘樹知咸淳雙桶在爲辯建炎時

寺內雙鉢

桶蓋有咸淳年月岳州府志謂建炎時出土者悞也

湘妃墓二首

萬里江山遠九疑雲樹長天涯竟生死魂夢宛瀟湘斑

竹乾坤老蒼梧日月光至今荒冢在如蓋有神槨

墳頂槨本

一株圓罩如蓋千年物也

盡掃楚雲雨來稽虞嬪墳八旬溯釐降三十正升聞望
遠人宜怨巡方帝克勤如何遵北渚渺渺測湘君

登朗吟亭

入百里清潯憑公一朗吟神仙詩酒戲湖海水雲心世
閱滄桑改人歸堯去栗深可憐名利客帆槳日侵尋

柳毅井

荒誕傳書事於今井有碑盧家歸娶日龍女試妝時豈
有碧雲殿何來赤牘詞欲尋三擊處野橋竟無知

過汨羅

千古離憂水蒼茫觸客心
老天難問答大地亦浮沈
風雅文章變蘭蓀歲月深
騷人忠愛意休悞楚聲淫

歸途喜雨用首途韻

乙未正月二十二日

甫別三湘越九旬同雲方軫土膏勻
益之霖霖沿途足

雨我公私半月春

初七日立春

棠舍重煩迎父老桑田猶待

命倌人和甘敢謂隨車至却喜歸來春鏤新

感陳迺錫秀才

宏範

招降黃州諸寨辭官事即書

其東祝堂五言詩蹟後

猗嗟功人與功狗肘後黃金大如斗
猗嗟乃有張畱侯

拂衣歸從赤松游
神仙歲月無春秋
介之推隱子犯誓
青山白水誰愚智
却憶有幸遺老言
罔以成功居寵利
君不見

興朝有人南楚光
入寨招賊平江黃
酬以協鎮笑不遑
幅巾歸老來三湘
來作五字長城長
穆如清風東祝堂

小女祿卿畫四季花卉直幅請題四首

第一春風第一花
槎朱成紫正繁華
重門有地栽池館
不向紅塵逐鈿車

牡丹

荷屋於今得小荷

號小荷女史

紅芙金帶對湘波
一枝好筆

如花品品最高時艷最多

荷花

秋光如錦滿天南看到今年六十三多謝爲余寫延壽

何年歸老菊花潭

菊花

迎年剛舉合家杯寫到山茶又臘梅祝汝中閨好夫婿

明春上苑看花回

山茶
臘梅

補題旌表孝女王陶氏甲戌割股療母詩冊

有序

孝女名瓊姿湖南安化陶雲汀

謝

制軍之女嘉

慶甲戌年十三母病割股和魚羹進母尋愈都

中士大夫題咏成冊旋適同郡王氏道光乙未

賀蔗農侍御

熙齡

屬予補詩

遠憶療親刲股功
芳齡才越一星終
可憐玉翦夜春落
竟得金閨人幼沖
至性誰論膚體愛
苦心原有鬼神通
到今捧出

褒綸重話向兒孫
淚尙紅

和吳崧甫修撰

鍾駿

乙未闈中紀事二首

南泛仙槎八月過
騷才今喜攬餘波
戴筐星炯臨三楚

倚劍天長聽九歌
卅載輶軒懷大阮

大阮棣華修撰
曾主楚南試

隔

年衣鉢溯東羅

君去歲主
校十閩

湘江如鏡心如水
愧我蘭滋

九畹多

總六千篇待揀披孤寒低首感來遲
百花頭上人能鑑
五色場中客自知立鵠初心真慘澹
連鰲妙手校分釐
今宵鳳咮堂前月爲囑傳燈正及時

和王春綬比部

庭蘭

閨中紀事原韻

桂花吹香到庭宇隔簾懷人剛二鼓
沈沈魚鑰夜堂虛
羅胸星宿光如炬采風玉尺來湘南
葵荏蘭蓀費悉數
自言矮屋久瑁璫要向深林拔翹楚
傍水草應有杜蘅
出山雲或作霖雨
芩野多才潤

太平藥籠今日憑攜取此事真知有幾人感君朗鑑能
高舉只今熊繹人六千各望鳳池天尺五淚眶獻璞終
得售焦尾斲琴應待補雅材羅列大小羣詩境前後王
盧伍經義誰當窺鄭神傳記孰能通左瞽甘辛元是過
來緣校衡合作文章主是時燭影秋漸深新茶一甌香
一縷門外林林立鵠多豈念良工心獨苦我憶卅年浙
水槎萬卷璘珣玉待賈聽君識曲話初心負我當年夜
燈午

題周忠介寒月介壽詩扇二首

何處琴堂玳瑁筵稱觴偶爾得成篇此人壽豈如公壽
此月寒逾三百年

霜英

堂名

遺墨已無多孤炯於今總不磨一夜月輪千古

照梅花開到幾枝柯

和樸園家弟登岳麓山用杜韻

麓山佳日寒暄殊我來慣看林巒紆欲向昔人間興替
閒雲微笑窺湘湖仲冬吾弟偕客至五客一尊同擁鑪
選勝各飲白鶴水吟詩誰握靈蛇珠江山跡與屈宋往
草木氣尙風騷俱初地幾燈安怖鴿寥天一鏡飛跋鳥

碧波千里照今古赤嶽五峯凌虛無丹梯翠厂恣登陟

亂石危磴相攙扶是時太平歌既醉屈指前歲山嵯誅

壬辰平江華嵇

西塞已安耕澤戶東作猶厯同雲腴

時倚望雪

俯視

長沙亘如帶熙來攘往相喧呼道林平行在何處藏修

寺舍

有人存其軀

張燧

飯鐘粥鉢半泡幻惟餘山上之浮

圖夏禹古碑世疑信李邕刻石人羈孤北郭皈依鑄鍊
柱南土厯劫空鐫于却有千年闍黎壁留題吾憶杜狂
夫

同懷弟彌光樸園編輯

子尙忠春卿

尙志任卿校字

石雲山人詩集卷十七止

石雲山人詩集卷十八

留湘集

丙申二月
至六月

南海吳榮光伯榮

蒙

恩責授四品京堂恭紀

先帝親除史與郎

聖恩今又作京堂臺高自愧豐其蔀徑直甯知兌未光
日月九霄倏較近風塵六國悔徒忙春明此去人應訝
十九年來鬢已蒼

武岡于役

千軍西指武岡州天末孤臣矛戟修誓掃么魔如馘蟻
攝行大帥愧鳴騶檄飛文武方磨盾捷報關山已送囚
只有猺渠魂在釜尙煩諸將力爬搜

交篆

半月師期竟今朝解帥權有嘉慚折首獲醜已盈千零
雨東來路勞塵北

覲年

主恩如許厚何日得歸田

上命仍畱湖南會勦猺逆查辦苗疆有作

聖恩仍許佐戎車，
勲湘南奉簡書。
似我願爲馮大樹，
於人誰識藺相如。
佇聞搖耑魁首縛，
多恐苗屯信誓虛。
早與

朝廷釋西顧，
幅巾何日返征輿。

途雨

昨日霧初霽，
今朝雷殷空。
人心分險易，
世路有窮通。
受命如桑鵠，
吾生幾蓼蟲。
迴頭春麥好，
畢竟感天功。

閒中

閒中吾乍覺，
春晝宵重扉。
雨氣凝香篆，
風痕透筆機。
棋

嫌分勝負著不羨甘肥却憶鄉園好繁花待我歸

題李希古首陽高隱圖

一竈清風吹我寒西山休作等閒看天將冠履存終古
人識殷周有二難老樹蕭蕭容抱膝荒泉泔泔問加餐
三千年後薇筐在可勝時流畫牡丹

用跋尾李希古詩意

東嶽紀遊十首

有序

嘉慶丁卯十月八日典試兩浙事竣北旋登泰山
山勿勿三十年屢欲補詩未果道光丙申三月
以畱辦軍務駐寶慶郡邊境既靖獲醜待訊以

其餘暇補此十章每憶往景如在目前及我未
衰聊記遊歷耳

卅五賦皇華歸途問東岱一徑沿翠微樹石宵森碎行
行萬仙樓雲物互明晦蒼厓各盤紆碧澗分向背何年
瑤府人東去開大礪硤有文字禪天與山水態我欲訪
梵香前途紛靉靄

振策高老橋斜陽暖林麓微風西北來見此好飛瀑送
蒼入高林灑翠上瘦竹天寒石愈峻林密路轉蹙嵯峨
何處梯重疊幾迴谷載登巖巖亭山容始一肅

山勢鬱愈厚乍然舒以平平野聚村舍荒烟炊稻杭籃
輿前山來上有青石砮何年登封人萬帳開行營颯爽
風雲色蒼茫水石聲太息此雲水千年無異情斯世自
勞逸於汝何枯榮問山山不言廓落天光晶

我謂五大夫果受秦皇封臣斯臣去疾與汝將毋同憩
豈汝供帳庇豈汝帡幪七十有二君云亭但相蒙而况
無道秦侈言德與功風雨會有期稅駕何不容西望有
甘棠幸哉來召公

衆峯蔚靈氣飛聚入山骨結爲土核膏乃以雲英發硤

磊雲中英終古對
翳勃厓壑自陰陽
高寒送日月左右
迎我來引我透九
折青闕風露香碧
浣衣袂冽下視五
大夫亮哉此高節

松盤攬未已已度
大龍谷萬磴轉西
北四圍紛繹屬但
見天窈窕忽疑世
沕穆盤桓復盤桓
心懣神愈肅蒼蒼
近舉頭凜凜駭伸
足千層綺繡明雙
綵雲烟曲返顧下
巉巖一綫凌虛躅

詖蕩天門開山氣
忽以冽身世俯仰
間下雨上則雪巍
巍丈人峯杳杳八
仙闕鵲華亘兩山
蓬萊檣萬笏都作

環衛來儼以兒孫列欲采千歲芝人間芳未歇

凌兢陟山巔霏瓊已盈尺是日天氣升

立

飛鳥浩無迹

一拭唐摩厓手記題名石再訪秦封禪心薄頌功策此

身疑天上畱此永今夕儼儼碧霞君呼我爲使客

夢中所見

九霄星斗躔五雲雞犬宅起視夜何其但見重霧白

乙夜捫寒藤高高養雲亭

在山絕頂有廟題浴日養雲四字

純

東向

觀日出屏息問山靈汗漫一髮光光開見重溟乍湧半

規紅震蕩波濤驚燄燄貼水起泱泱飛華英萬爍五色

采扶上朱輪瑩左裊扶桑枝右瀆咸池泓

所見如此

下方晦

未已已叫天雞聲

既登孔子匡言拜孔子堂此人與此山萬古天爲章高
不辭土壤靈並秩馨香秦觀旦西陲吳關渺南荒誰能
小天下身世徒蒼茫我來宿廡東近依燈燭光欲盡九
點烟徒窺數仞墻迢迢三十年作詩紀遊疆

題元人聽雨樓詩畫卷用卷中張伯雨倪元鎮韻

二首

四百年前活嵐霧供我詩人搖筆處根塵欲問倚樓人
山雨無來亦無去登樓曠寂無心旛四野催耕我獨閒

好向行生參妙諦遙峰十二水雲寒

扁舟兩岸明乍洗詩人歸舟鳥傘底

圖景如此

吟情回望小

樓高墨瀋林霏尙盈几幾輩英光萃此中神仙遊戲遡

義農陶篷寄亭渺何在二十人應拜下風

卷除張倪外題者二十人

寶慶郡有虎日伺田野間已啗三人民爲不耕太

守呂麗堂

恩港

率衆捕殺之作射虎圖感而賦

此

蠹吏與蠹役何啻猛於虎何啻啗三人何啻荒九土蠹
則太守除虎則太守誅去虎如去蠹爲民非爲吾爲民

非爲吾虎甯甘受俘虎既不受俘虎類必反噬風毛火
血蒼天高一發不殪終難制太守之勇勇且智於戲爲
政能殺卽能仁羨爾安然射虎人

湘南述別四首

且住爲佳又六旬今朝方悟別離身我如雲雁飛將倦

誰惜泥鴻迹未湮棠芾忝中丞新傳舍

方伯袍同簪盞舊

根塵

制軍中丞學使署
廉訪皆舊雨也

戟轅自問曾何補已歷星沙六

度春

冰壺慚愧說清高半載旬宣卽建旄除惡敢云稂莠盡

獲匡胡三等五
百七十餘名

掃氛重記鼓鼙勞

江華武
圖兩役

豈能要結千

人譽只念艱難百姓膏乙歲蘊隆辛歲潦至今魂夢尙
驚號

校經遙邇歲昭陽重是人師開講堂

坦齊蔗農
兩山長

與衍總

期探鄭鄴精微應並守朱張一區福地鄉媛貴千古騷
才草木良他日扶輪多大雅斷輪曾否記吳剛

此去扁舟一浩歌身名俯仰各如何明明嶽有靈常鑒
渺渺湖方靜不波九郡撫綏臣力竭一官畱戀

聖恩多江關迴首懷湘夢願見年豐萬衆和

余備楚藩時禁溺女越今六年過長寶衡永岳諸
郡村落見前禁家刻一紙遍帖街市感而作詩
楚俗多溺女豈其心不良誠以餬口難而忍食指妨長
不任耕作歸則營飾裝哀哉家既貧念此生可傷使或
哺衽足何至骨肉忘爲民父母心忍令其胥戕爰告爾
有衆凜之以刑章殘喘爾相全亟脩育嬰堂富室爾寄
養積善家餘慶爾亦有母生溺女母何望明明

國法在犯者城旦行一入城旦行爾身且罹殃殘忍必
召診慈和當致祥自我六年來敢謂民綏康保赤念如

結求莫食不遑幸此溺女誠家家勉其臧萬口遍婦孺
千紙盈市坊吾行永相期家給年豐穰他日思此言好
生洽衡湘

和樸園家弟途次寄懷原韻

泥首

君恩許量移浮雲昨是又今非關心鴻燕分南北放眼
魚鳶任躍飛匝月戎行還杖杜于役武岡事竣故園歸夢到薔
薇扁舟此去江如鏡穩泛誰云不可磯

扁舟二十四首

扁舟初發楚南隅，滿目河山景不殊。
百五十三贈詩人

好在爲吾低首唱驪駒

只有清和兩日程四月廿八日首途薰風迢遞接

神京湘山湘水天涯路，不必投書弔屈平

曾把虞書證楚風，湘君帝子豈相蒙。
此行笑向黃陵問

稽古還應記一功

鄂南湘北任推移，孫閔曹爭付不知。
脫盡武昌灣汊險

臨風九拜謝

天慈

重來已閱兩年春大別山頭墨迹新雲影自閒天自澹

可容吾作汲川人

余乙未正月登晴川閣詩有我羨汲川人抱甕雲閑天澹一迴頭之句晤

道府縣知已刻石

九江江水拍長空倦翼斜飛夕照鴻寄語馬當山上客

順風不借莫兜風

舟人謂逆風爲兜風

水氣騰騰晝欲晡歔風如熾滿長途有山或不因人熱

吾見江中大小孤

皖公山色接舒臺幾輩登臨幾酒杯不分潛峯好樓閣

濫容安石讀書來

歷歷蠓磯

有孫夫
人廟

采石磯美人才子各孤微蜀山涕淚

長安夢同是天涯何日歸

六朝宮館雨冥冥只有鍾山對我青今日故人來問訊

囑君能保卞家亭

楊竹圃方伯
簣雨中來訪

漢廣江長十日間二千餘里過金山江關愈遠人忘返

怪底江神笑我頑

用蘇子瞻
金山詩意

天馬行空意則那雋才文武佛三摩

吳居父弓
中字句

江山第

一人何處我欲揮豪問逝波

過京口題吳居
父五雜組字弓

故沙河畔故人情尊酒流連話楚程話到資湘山水好

教人重憶上流清

清江晤陶雲汀宮保歷談資水印心石屋之勝陶安化人也

才泛淮河又漕

去

河喬

惟岳

陳瑄潘

季馴

靳

輔

較如何

萬邦維正千艘粟丁力云勞民力多

垂老人來四千里凌煇舟已廿三程今朝忽見滄浪水

手挽清流濯我纓

五月廿一日次嶧縣

蘭陵山上總浮雲何處人歸話社枌最感當年知足戒

一杯遙酌二疏墳

濟水西奔舟溯洄百夫牽挽浪如堆急流欲退何能退

百尺灘頭待間來

五月廿六日濟寧待間只行九里

南旺流分三七平會通河畔挂帆行
蟬聲五月波如鏡
楊柳灣頭祀白英

溯流縈折到東昌聊攝城高漢水長
欲訪吾家廉吏宅
爲言江浦尙沈香

千里邦畿近故城闌風伏雨數郵程
關心十九年來夢
北望相將到

玉京

簿領風塵四十年驚心抑戒已遷延
此行天與閒人便
安得經帷問廣川

漳水粼粼衛水清
好風相送棘津城
長隄草色連天遠
不見當年細柳營

清風樓畔客倭遲
問我遊蹤兩槩知
沈李浮瓜人去後

只畱吳質憶南皮

嘉慶己巳視漕淀津與額約齊直指勒布交最洽今二十有八年約齋木

墓已拱矣

風餐露宿四逾旬
計日迢遙入淀津
七十二沽橋下水
可憐依舊識勞人

同懷弟彌光樸園編輯

子尙忠春卿

尙志任卿校字

石雲山人詩集卷十八止